



黑山縣志

第二卷 地理志

易繫辭曰俯以察於地理左傳曰先王以疆理天下是理者自然之法則有條不紊之謂也今天地爲萬物之所隸列舉凡飛潛動植形形色色之倫靡不克載而各遂其性則其理之玄且蹟有非智者之所悉知也是故山爲其股肱石爲其骨幹川澤爲其脈絡草木爲其毛髮土壤爲其腴肉地之理猶生之理也且巖崖者應上透邇者就下沃土之民不材瘠壤之人褊隘南燠而北寒東文而西質何莫非因地而性成歟然論者謂城邑之建置公廨之設立與地理當無關也庸詎知施政之處即環境適宜之區倘執政者運用合理則陰陽和而鬼神享雨澤時而嘉禾生黔首融熙氣象休明孰謂王政之行而異於爲高必因邱陵爲下必因川澤之理耶志地理第二

(一) 山阜

小黑山 在縣城東北隅古名小河山又名鎮遠堡上帝廟建於其巔明朝曾築邊於此

遺迹尙在東至今老邊驛橫亘二百里爲三衛駐牧之地

鎮安鄉土志

該山雖不甚高

但登臨其上南望羣山近矚縣街如在足下邑人劉逢源撰聯云高廠快登臨看萬水千山都歸眼底繁華誰喚醒聽晨鐘暮鼓忽覺心頭蓋寫實也

尖山 在縣城北十五里兩峯南北相向形如削成故名主峯高約五十丈山巔有洞深

廣數丈

江台山 在縣城西北二十五里孤峯高聳土山環拱如兒孫山巔有古烽火台一座

台子山 在縣城東八里下灣子村西高約十餘丈因山巔有烽火台故名

鳳山 在縣城東八里下灣子村西山形如鳳故名

山東山 在縣城東南十里

哈家山 在縣城西南十二里數峯錯峙山西麓有峰特起狀似鳳凰高約四十餘丈周

圍五里與大虎山蛇山鼎足而峙產青石用爲建築材料遠近著名

秦屯山 在縣城北十八里山形似乳頭故又名乳頭山產青石可供建築之用高約數

十丈

後大虎山 在縣城東南十五里

前大虎山 在縣城東南二十里東曰龍山其巔有破台基土人呼爲點將台西曰虎山形如虎頭俱高三十丈許

高山 在縣城南三十五里高山子山高二百餘尺產青石可燒石灰及鋪鐵道之用
饅首山 在縣城南三十五里高山子山高百餘尺石質不良但青灰之埋藏量甚富可充染料及作筆鉛之用

蛇山 在縣城西南三十里蛇山子三峰鼎峙素產蛇因名其脈由北鎮之中安堡來主峰高約里許四山環抱形勢天然

孤山 在縣城南三十二里

礪子山 在縣城東北四十里古名龍鳳山後以巖石嵯峨改稱礪子山此山三峰東西

相峙綿亘五里許閭山之支脈也

黑山 在縣城北三十五里三峯高聳白石巖巖山形如筆架盤亘十餘里

小荒山 在縣城東北三十里綿亘起伏四五里許

胡家窩堡山 在縣城東二十里兩峯南北對峙

圓山 在縣城東二十五里

北嶺 在縣城東北五十里二道境子村北

長嶺 在縣城東北六十里長嶺子界內約長二十里綿亘於迷子山房申長嶺子孟屯

狼洞子南窰等屯

杏山 在縣城東北四十里

駱駝山 在縣城東北五十里

前荒山 在縣城東北五十五里

台子山 在縣城西北三十五里三峯鼎峙高約二十餘丈周圍三里有奇山無林木有

古烽火台一座故名

高力墻子山 在縣城西北三十五里主峯高約三十丈

蟠桃山 在縣城西北五十里

英窩山 在縣城西北五十里

老河深屯後山 在縣城西北五十里

老虎洞山 在縣城北二十里該山西側舊有石洞寬十餘丈樞僂可入早年有虎居之

故名

珠寶山 在縣城西北五十里羣峯南北聳峙綿亘十餘里

包屯山 在縣城北二十里山麓產雞肝石鑄圖章者寶貴之

蘭陵山 在縣城西北五十里爲北鎮阜新及本縣三縣之界山高逵五十丈盤踞十里

盛產菓類爲醫巫閭山之支脈

大鋼山 在縣城西北五十里山巔有烽火台一座

後山 在縣城西北五十里

二台子山 在縣城西北五十里

營盤山 在縣城西北五十里與二台子山相連相傳明正德年間因蟠桃山寺僧謀逆事洩官兵來勦曾駐兵此山山西北有泉爲當日飲馬之所至今猶清泓未涸也

楊家屯山 在縣城西北五十里

靠邊屯山 在縣城正北五十里東西盤亘與芳山相連

芳山 古名蛇山在縣城正北五十里兩峯高矗衆山傴僂怪石嶙峋不可名狀山內有泉涌水冬夏不竭

貴子山 在縣城正北六十里

蛇盤山 在縣城正北六十里西側土山之巔有水池方廣約十餘丈池水清冽四季不涸

涸

樓台子山 在縣城西北三十里

太平山 在縣城西北四十三里

偏坡子山 在縣城西北六十里

官家溝山 在縣城北五十五里

上蔡溝山 在縣城北六十一里

朱屯山 在縣城北六十四里

亂石禡子山 在縣城北五十五里高達七十餘丈山石嵯峨險巖異常

龍虎山 在縣城北四十里

馬鞍山 在縣城北三十七里

炮手山 在縣城北四十里

雙山 在縣城東北八十里

團山 在縣城東北七十里山形團圓故名

蔡屯山 在縣城北八十里

營城子山 在縣城東北九十里

王莊屯南嶺 在縣城東北八十里

大黃台山 在縣城東北八十里爲阜新縣老母豬山支脈

青石嶺山 在縣城東北八十里爲阜新縣老母豬山支脈

歪賴山 在縣城東北九十里舊名臥寶山高峯突兀怪石陵巖山形如人回顧而傾其

首故名

五架山 在縣城東北九十里五山並立形如筆架

大黑山 在縣城東北七十里

板石山 在縣城東北百里

金馬駒山 在縣城東北八十里

鍋底山 在縣城東北八十五里

尖山 在縣城東北九十里山形下圓上尖因以得名

孫家山 在縣城東北九十里

窩棚山 在縣城東北九十里

(二) 河流

繞陽河 原名鵝鷹河發源阜新縣北六十餘里流入彰武縣境會葦塘河再入阜新境
名爲阿哈來河流百數十里越雙台子古邊(在縣東北隅一百二十里)入界向南流經徐家窩棚至傅
燒鍋入新民縣境

按此河原爲新民黑山兩縣界河入縣境後南流經徐家窩棚傅燒鍋過大興堡半
拉門越繞陽河車站過姜家屯注入蓮花泡南流出境逮民國十四年夏季河水氾
濫而成前記之觀矣

二道河子 源出阜新縣流至宋家窩棚(縣東北九十二里)古邊入界向南流經雙山子東至六合
屯入沙河過境約行三十里

東小河子 發源阜新縣十五家子流至稍戶營子(距縣東北一百二十里)入界西南流過四家子後山

直抵平安屯而漫散此河全長二十餘里

沙子河 發源阜新縣之塔山流至小三家子

(縣東北九十里)

入境西南流過二道崗子苗崗子而

入沙河

大羊坨河 在縣城北羅屯村由西南流經二道崗子穿大鄭鐵路至蔡家溝歷大羊坨

杏山南流漫散

王莊屯河 發源於阜新縣之薄歹營子東流注入沙河全河長十五里

西河

發源阜新縣五家子西流至宋家窩棚

(縣東北九十二里)

入境南流抵五台子更南流經迷

子山由卡拉木入沙河

沙河

源出阜新縣初可濫觴至八道河子水漸洪闊曲折南來至新立屯鎮

(距縣北九十里)

入境

穿大鄭鐵路由東南流至六合屯有二道河子小水自北來注又東流經卡拉木村北歷後荒山子東麓轉向東南流至二道境子折而西流至胡家窩棚有西北來之老河身水來會再南流越下灣子山東麓渡關家窩棚穿奉山鐵道直奔正南入溝

漲湖

火石嶺子河 此河無定名由羅屯村之火石嶺子東流穿大鄭鐵路入於老官窩水泡

石柱子河 源出阜新縣經由芳山鎮河窪穿大鄭鐵路抵石柱子再流至瓦盆窩小毛

屯又折向東南至紅石頭再折向南流入沙河

江台河 發源阜新縣二道嶺子名曰二道嶺子河南流至頭台(縣北五十一里)入境向東南流穿

大鄭鐵路經大夏窩棚河身無定白沙皓皓流至江台台北麓折而西南由秦屯再

穿大鄭鐵路越拉拉屯東至蕭家屯西與西北來之馬家窩棚河水相會又西南流

至沈家屯東入羊腸河此河行境內約五十里

老河身河 發源阜新縣謂之朝陽寺河流至縣境西北靠邊屯(距縣北五十里)入境向東流經

小河山西麓歷老河身屯穿大鄭鐵路至韭菜畦子折而東流過公廩街中至大謝

屯又向東南流過圓山南麓至胡家窩棚東入沙河

八道壕河 此河有二源(一)由白土廠門村珠寶山發源南流抵華馬窩棚(二)由半

仙屯發源南流經祖八道壕至小溝北二水相合再南流至邢家荒東注入江台河
大安河 發源於縣城西北五十里白土廠門蘭陵山下南流入羊腸河

羊腸河 發源於阜新縣二道嶺子名曰乾河子東南流入葦子溝至白土廠門(縣北六十里)入

境向東南流經三台至沈家屯街中東流一里有江台河自北來注又折而南流至
羊腸河街中繞哈家山西麓東南流至李家窩堡村北二里分正南東南兩流其正
南流過高山子火車站傍高山子東麓饅首山西麓經關家窩堡滕家街入盤山界
行境內一百三十里其東南一支現已淤塞

二道境子河 此河分爲二流(一)北流由大曹家崗子西南流經禿老婆店子至河北
注入沙河(二)東流由半拉門西流經靠山屯二道境子入沙河

小河子 此河由勵家村之邢家屯抵平房折而東流至王家甸子由小吳台注入蓮花
泡全河長約四十里

老邊河 由縣城北劉二金屯南流經羅家燒鍋又東南流過三道橋子南流渡下灣子

山東麓大虎山東麓至此始名曰老邊河穿奉山鐵路南流至八台子注入潁漲湖
永平河 由七台子村之七台子北起經詹家窩堡范家窩堡連城堡至康家窩堡入潁
漲湖此河今已半淤塞矣

蛇山子河 此河爲羊腸河之支流由高山子村之蛇山子南流經平荒甸至翟家街南
與中安堡河會經後田家街二道溝子至王家街南流入盤山境

說明 本志關於山川之編纂一準於舊鎮安鄉土志其新增者皆根據此次街村公
所之調查錄

(三) 泡 池

龍仙池 在縣城南二十里大虎山車站北面積約數方里

芙蓉泡 在縣城北八十里雙山子村東南面積約十餘方里

芳山池 在縣城北五十里芳山山巔縱橫約十餘丈深不可測池水四時不涸

蓮花泡 在縣城東六十里姜屯長十六里寬四五里深丈許面積約六十四方里每當

夏季蓮葉田田芰荷香遠鷗鳥嬉遊漁舟唱晚而裙屐如雲到此小憩以暢觀此接天映日之景誠賞心之處避暑之區也

(四) 地質

本邑山脈皆發源於醫巫閭山故石質亦多爲花崗巖片巖縣城北十五里尖山子時常發見紅斑巖石之結晶土人呼爲雞肝石其潢汙行潦之涯又往往有金沙之閃鑠由此可知縣城之北爲太古層也又縣北八道壕開採炭礦而下灣子一帶地表往往發現煤苗此又可証兼佔有古生代層也惟縣城迤南迄於盤山俱爲沮洳之地傳縣城于七八十年前尙蘆葦叢生近年商家穿井於井底掘出腐草是黑山城內亦爲海退之地也

(五) 土質

縣城附郭之田雖爲沙土質而宜於耕種東南兩面窪下多腐植土沮洳膏沃其七台子一帶倘河不泛濫則豐稔可期惟東北一帶土質輕鬆細沙皓皓遇風飄揚西北高亢土

伴砂粒沃壤亦僅矣

(六) 土地

黑山全境面積約爲一萬四千平方里除山嶺河道及沙城外其可耕之田約爲一、三五二、五二〇畝（此數係根據黑山縣政一般狀況）惟自康德六年地籍開始整理必俟完竣後方爲土地數目確定之時此際對於境內可耕之田究有若干未便懸揣祇先就產權之種類分述如下

(甲) 死契地 爲產權確定之地

(子) 紅冊地 俗呼廣倉地初歸莊頭經管輾轉賣於民人而向廣寧納糧者

(丑) 三園地 清制旗民不交產迨光緒末年始許互相買賣但祇限於穿井蓋房

俗呼爲三園地

(寅) 民地 原爲民籍舊地俗名銀米地

(卯) 升科地 原爲無課賦之地民國以來始許人民按照上中下城各則起科認